

## Ա Ր Չ Ա Ն Ա Գ Ր ՈՒ Թ Յ ՈՒ Ն ԹԻՎ

(Կազմված է «31» մայիսի 2024թ.)

ք.Երևան, Արշակունյաց 5.108 սենյակ

24.05.2024թ., ժամը 17:00

Համաձայն Արդարադատության նախարարություն մուտքագրված «Կուչինա» ՍՊ ընկերության ներկայացուցիչ Արմեն Մելքունյանի թիվ Մ/6839-2024 դիմումը «Կուչինա» ՍՊԸ-ի սնանկության գործով կառավարիչ Գևորգ Ավագյանի գործողություններում կառավարչի վարքագծի կանոնների խախտման հնարավոր առկայության, ինչպես նաև «Սնանկության մասին» օրենքի 27.2. հոդվածի 4-րդ մասի նորմով կառավարչի նկատմամբ կարգապահական վարույթ հարուցելու հարցը քննարկելու նպատակով ս/թ.-ի մայիսի 31-ին հրավիրված Կարգապահական հանձնաժողովի հետաձգված նիստի շարունակություն:

### ԾԱՆՈՒՑՎԱԾ ԷԻՆ՝

Հանձնաժողովի անդամ՝ Արմենակ Աղամյանը

Հանձնաժողովի անդամ՝ Ռուբեն Խալաթյանը

Հանձնաժողովի անդամ՝ Հարություն Գևորգյանը

«Կուչինա» ՍՊԸ-ի սնանկության գործով կառավարիչ՝ Գևորգ Ավագյանը

Բողոքաբեր՝ Կուչինա» ՍՊԸ ներկայացուցիչ փաստաբան՝ Արմեն Մելքունյանը

«Կուչինա» ՍՊԸ-ի տնօրեն՝ Սուրեն Մելքունյանը

### ՄԱՍՆԱԿՑԵՑԻՆ՝

Հանձնաժողովի Նախագահ՝ Արմինե Մովսիսյանը

Հանձնաժողովի անդամ՝ Արմենակ Աղամյանը

Հանձնաժողովի անդամ՝ Ռուբեն Խալաթյանը

Հանձնաժողովի անդամ՝ Հարություն Գևորգյանը

«Կուչինա» ՍՊԸ-ի սնանկության գործով կառավարիչ՝ Գևորգ Ավագյան

Բողոքաբեր՝ Կուչինա» ՍՊԸ ներկայացուցիչ փաստաբան՝ Արմեն Մելքունյան

«Կուչինա» ՍՊԸ-ի տնօրեն՝ Սուրեն Մելքունյանը

### ՕՐԱԿԱՐԳՈՒՄ

Արդարադատության նախարարություն մուտքագրված «Կուչինա» ՍՊ ընկերության ներկայացուցիչ Արմեն Մելքունյանի թիվ Մ/6839-2024 դիմումը «Կուչինա» ՍՊԸ-ի սնանկության գործով կառավարիչ Գևորգ Ավագյանի գործողություններում կառավարչի վարքագծի կանոնների խախտման հնարավոր առկայության քննարկման հայրցը, «Կուչինա» ՍՊԸ-ի սնանկության գործով կառավարիչ Գևորգ Ավագյանի կողմից ՀՀ պետական եկամուտների կոմիտեից վերցրած սպացուցողական փաստաթղթերի ներկայացումը:

## ԼՍԵՑԻՆ

Կարգապահական հանձնաժողովի նախագահ Արմինե Մովսիսյանին, ով առաջարկեց հանձնաժողովի անդամներին քննարկել սնանկության գործով կառավարիչ Գևորգ Ավագյանի նկատմամբ կարգապահական վարույթ հարուցելու հարցի վերաբերյալ կառավարչի և ներկայացուցիչ փաստաբանի հիմնավորումները: Հանձնաժողովի նախագահը ներկայացրեց ստացված Դատարանի որոշումը, նրան կից բողոքաբերի բողոքը:

Հանձնաժողովի նախագահ Արմինե Մովսիսյանիը առաջարկեց աշխատանքային հետևյալ կարգը՝

1. Լսել բողոքաբեր «Կուչինա» ՍՊԸ ներկայացուցիչ փաստաբան՝ Արմեն Մելքունյանին;
2. Լսել «Կուչինա» ՍՊԸ-ի սնանկության գործով կառավարիչ՝ Գևորգ Ավագյանին;
3. Ուսումնասիրել բողոքաբերի տրամադրած փաստաթղթերը;
4. Ուսումնասիրել կառավարիչ Գևորգ Ավագյանի կողմից ներկայացվող փաստաթղթերը:

Հանձնաժողովի անդամները, սնանկության գործով կառավարիչը համաձայնեցին աշխատանքային կարգին :

Ելույթ ունեցավ «Կուչինա» ՍՊԸ ներկայացուցիչ փաստաբան՝ Արմեն Մելքունյանը, որը հանձնաժողովին ներկայացրեց, որ 28.06.2021թ.-ին դատական վճռի հիման վրա Երևան քաղաքի ընդհանուր իրավասության դատարանը, քննելով քաղաքացիական գործը ըստ հայցի՝ «Կուչինա» ՍՊԸ-ի սնանկության գործով կառավարիչ Գևորգ Ավագյանն ընդդեմ «Ռեդի-Սթեդի» ՍՊԸ-ի, երրորդ անձ՝ ՀՀ Արտակարգ իրավիճակների նախարարության գույքերն ուրիշի ապօրինի տիրապետումից հետ վերադարձնելու պահանջի մասին, հայցը մերժել է: «Կուչինա» ՍՊԸ ներկայացուցիչ փաստաբան՝ Արմեն Մելքունյանը պնդեց, որ սնանկության կառավարիչ Գևորգ Ավագյանը իր լիազորությունները ամբողջությամբ չի կատարում, չի իրականացնում համապատասխան գործողություններ գույքերը հայտնաբերելու համար:

Հարցի վերաբերյալ ելույթի ձայն վերցրեց սնանկության կառավարիչ Գևորգ Ավագյանը: Որոշակիություն մտցնելու նպատակով, Ավագյանը հայտնեց, որ 08.09.2022թ.-ին ինքը գրություն է ուղարկել «Կուչինա» ՍՊԸ-ի ներկայացուցիչ փաստաբան Արմեն Մելքունյանին, որով պարզաբանել է, որ ընկերության տնօրեն Սուրեն Մելքոնյանի կողմից իրեն հանձնված փաստաթղթերում չկան հիմնական միջոցների գույքագրման ցուցակներ, հարկային մարմին հանձնած հաշվապահական հաշվեկշռում և շահութահարկի տարեկան

հաշվետվություններում ընկերության հիմնական միջոցների տողերում լրացված են զրո, այսինքն՝ ընկերությունը երբևէ իր անվամբ չի ունեցել հաշվարկված հիմնական միջոցներ: 09.06.2017 թ.-ին նշանակվել և կատարվել է «Կուչինա» ՍՊԸ-ի գույքի գույքագրման աշխատանքներ, որով արձանագրվել է, որ ընկերությունը գույք չունի: Իսկ «Կուչինա» ՍՊԸ-ի տնօրեն Սուրեն Մելքոնյանը չի առարկել գույքագրման արդյունքների մասով: Սնանկության կառավարիչ Գևորգ Ավագյանը փաստեց, որ դիմել է ՀՀ Գլխավոր Դատախազություն «Կուչինա» ՍՊԸ-ին պատկանող գույքերը հայտնաբերելու համար: Դատարանի և կառավարչի կողմից կատարված հարցումների արդյունքում «Կուչինա» ՍՊԸ-ի անվամբ որևիցե գույք կամ ակտիվ չի հայտնաբերվել: «Կուչինա» ՍՊԸ-ի տնօրեն Ս.Մելքոնյանը 02.05.2013թ.-ին կնքված համաձայնագրի բնօրինակն է հանձնել սնանկության գործով կառավարիչ Գևորգ Ավագյանին, որով ընկերության սեփականատեր Արթուր Ղարիբյանը ընկերության տնօրենին օգտագործման իրավունքով հանձնել է ճաշարանային գույք, որն էլ ընկերության կողմից օգտագործվել է ՀՀ ԱԻ նախարարությունում՝ «Կուչինա» ՍՊԸ-ի կողմից վարձակալած ճաշարանում, որը կողմերի միջև կազմված 14.04.2017 թ.-ի հանձման-ընդունման ակտով ի պահ է հանձնվել ՀՀ ԱԻ նախարարությանը:

Վերոնշյալ գրությունով սնանկության գործով կառավարիչ Գևորգ Ավագյանը վկայակոչեց, որ օգտագործման իրավունքը չի հանդիսանում սեփականության իրավունք և հորդորեց, որ եթե «Կուչինա» ՍՊԸ-ն ունի գույք, ապա կառավարչին տեղեկատվություն տալ դրա վերաբերյալ և պարզաբանել, թե ինչու է ընկերության տնօրենը թաքցրել տվյալ գույքը:

Ապացուցողական բոլոր փաստաթղթերը հանձնվեցին հանձնաժողովի նախագահ Արմինե Մովսիսյանին և հանձնաժողովի անդամներին: Հանձնաժողովի անդամները համաձայնեցին այն մտքին, որ ներկայացված փաստական հանգամանքները բավական են, որ սնանկության գործով կառավարիչ Գևորգ Ավագյանի նկատմամբ կարգապահական վարույթ հարուցելու վերաբերյալ կայացվի ժողովի որոշում:

Հանձնաժողովի նախագահ Արմինե Մովսիսյանը առաջարկը դրեց քվեարկության:

#### **ՔՎԵԱՐԿՈՒԹՅՈՒՆ՝**

Կողմ - 4

Դեմ - 0

Ձեռնպահ - 0

#### **ՈՐՈՇԵՑԻՆ՝**

Ուսումնասիրելով գործը, նաև հաշվի առնելով Գևորգ Ավագյանի 19.04.2024 թ.-ի «ՄԳԿԿ» ԻԿԿ-ին ներկայացված բացատրությունը, կարգապահական հանձնաժողովը նշանակել է հանձնաժողովի նիստ թվով 2(երկու) անգամ և եկել եզրակացման, որ ԵԿԴ/0545/04/16 սնանկության գործով «Կուչինա» ՍՊԸ-ի ներկայացուցիչ Արմեն Մելքոնյանի կողմից փաստական տվյալներ չեն տրամադրվել վերոնշյալ 21 անվանում գույքի վերաբերյալ,

մասնավորապես՝ դրանք ում միջոցներով են ձեռք բերվել, կամ արդյոք պատկանում են «Կուչինա» ՍՊԸ-ին, իսկ սնանկության գործերով կառավարիչ Գևորգ Ավագյանի փաստարկները բավարար են վեճի առարկա հանդիսացող գույքը չհամարելու ընկերության սեփականություն: Կարգապահական հանձնաժողովը անհրաժեշտ է համարել իրականացնել «Կուչինա» ՍՊԸ-ի հաշվապահական հաշվառման փաստաթղթերի ուսումնասիրություն և հարկային հաշվետվությունների վերլուծություն: Արդյունքում պարզ դարձավ, որ.

«Կուչինա» ՍՊ ընկերությունը 2014 թ.-ի ապրիլի 4-ին ՀՀ ՊԵԿ հաշվետվությունների ներկայացման էլեկտրոնային համակարգով 2013 թ.-ի համար ներկայացրել է ՀՀ ռեզիդենտ շահութահարկի հաշվարկի հաշվետվություն՝ ձև 110-ը, համաձայն որի աղյուսակ N3-ում հարկման նպատակով հիմնական միջոցների ամորտիզացիոն ժամկետներ կամ տոկոսադրույքներ չեն նշվել, իսկ աղյուսակ N6-ում ակտիվների և պարտավորությունների հաշվապահական հաշվեկշռային արժեքներ և հարկային բազաներ չեն արտացոլվել, մասնավորապես աղյուսակի 1-ին և 2-րդ տողերում, այն է՝ հիմնական միջոցներ և ոչ նյութական ակտիվներ, որն է գրառում չի կատարվել: Հիմնական միջոցների վերաբերյալ որևէ արձանագրություն բացակայում է նաև աղյուսակ N 5-ում, որտեղ կատարվում են ընկերության հաշվապահական հաշվառման քաղաքականությանը վերաբերող բացահայտումներ: Համանման պատկեր է նաև «Կուչինա» ՍՊԸ-ի ներկայացրած 2012 և 2013 թ.-ներին վերաբերող շահութահարկի պարզեցված հաշվարկներում:

Փաստաթղթերի ուսումնասիրությունից հետո ձայն խնդրեց հանձնաժողովի անդամ Ռուբեն Խալաթյանը, ըստ որի սնանկության գործով կառավարիչ Գևորգ Ավագյանը տվյալ սնանկության վարությամ կատարել է օրենքով սահմանված իր պարտականությունները և չի թերացել դրանց կատարման մեջ:

Մնացած անդամները համաձայնեցին Ռուբեն Խալաթյանի հետ:

Հանձնաժողովի Նախագահն հարցը դրեց քվերակության

**ՔՎԵԱՐԿՈՒԹՅՈՒՆ՝**

- Կողմ – 4
- Դեմ – 0
- Ձեռնպահ – 0

**ՈՐՈՇԵՑԻՆ՝**


«Կուչինա» ՍՊԸ-ի սնանկության գործերով կառավարիչ Գևորգ Ավագյանի գործողություններում չկան խախտումներ, վերջինս գործել է ՀՀ Օրենսդրության շրջանակներում, քանի որ վեճի առարկա հանդիսացող գույքը սեփականության իրավունքով պատկանել է ֆիզիկական անձի, որը վերաբերելի չէ «Կուչինա» ՍՊԸ-ին, առկա չեն «Մնանկության գործով կառավարիչների մասնագիտական վարքագծի էթիկայի» կանոնների խախտման դեպքեր, ուստի /մեղքի/ բացակայության պատճառաբանությամբ հարուցված Կարգապահական վարույթը կարճել::

2.Սույն Որոշումը և նյութերը ներկայացնել «ՄԳԿԿ»ԻԿԿ համապատասխան կառավարման մարմնի հաստատմամբ:

3.Հաստատումից հետո հնգօրյա ժամկետում սույն որոշման օրինակը ուղարկել ՀՀ Արդարադատության նախարար Գ.Մինասյանին, ՀՀ Սնանկության Դատարանի դատավոր Ա.Խաչատրյանին, ՀՀ Պետական Եկամուտների կոմիտեի նախագահ՝ Ռ.Բաղասյանին:

Հանձնաժողովի նախագահ՝

Հանձնաժողովի անդամներ՝



Արմինե Մովսիսյան

Բուբեն Խալաթյան

Արմենակ Ադամյան

Հարություն Գևորգյան